



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

Quaestiones Prooemiales de ipsa Theologia.

**urn:nbn:de:hbz:466:1-38954**

QVÆSTIONES  
PROOEMIALES  
de ipsa Theologia.

QVÆSTIO I.

*Quid sit Theologia, & quodnam sit eius obiectum.*

**N**omen Theologiz, si vim & significationem illius spectemus, pro quaenque de Deo ac rebus diuinis doctrina sumi potest, ut doget S. Augustinus lib. 3. de ciuit. cap. 1. vnde & ipsi Ethnici scriptores, qui de rebus diuinis tractauerunt, olim Theologi dicti sunt, ut obseruat idem S. Pater lib. 18. de ciuit. cap. 14. Si vero illius nominis apud scriptores ecclesiasticos communem conceptionem attendamus, Theologiz nomine eam solum de Deo ac rebus diuinis doctrinam significari inueniemus, quæ non solo rationis lumine comparatur, sed diuinâ præfertur reuelatione nititur.

¶ Et autem duplex doctrina, quæ diuinâ reuelatione innixa est: una est ipsa fides, quæ res diuinitus reuelatas intelligimus: altera, quæ res ipsas per fidem intellectas explicare, persuadere, ac contra haereticos & alios ipsius fidei aduersarios propugnare possumus. De utraque loquitur idem S. Augustinus lib. 14. de Trinit. cap. 1. Aliud est, inquit, scire, quid credere debeamus, quod docet fides; aliud autem scire, quemadmodum hoc ipsum & prius opituletur, & contra impios defendatur, quod proprio appellare vocabulo scientiam videtur *Apostolus*. Et hæc secunda doctrinæ species secundum receptum communiter usum proprio nomine Theologia vocatur, de qua proinde queritur, an sit scientia, an vero ad aliquam aliam virtutem intellectualem pertineat? Pro cuius resolutione

Dicitur

*Quæst. proœmiales.*

Dicendum 1. Theologiam non esse scientiam strictè sumptam, eo modo, quo scientia nomen à Philosophis sumi solet: ad rationem enim scientia secundum illos, requiritur, ut sit cognitio certa & euidens; quamvis autem Theologia sit certissima, imò scientias quascunque certitudine antecellat; non est tamen euidens, cum eius principia, quæ à fide petuntur, obscura sint & inevidentia.

Dicendum 2. Theologiam non esse fidem diuinam, quamvis eam præsupponat, ipsique innitatur; Theologica siquidem doctrina discursiva est, fides autem nullo virtutur discursu, sed in ipsa reuelatione diuina simpliciter acquiescit.

Dicendum 3. Theologiam, quamvis nec scientia propriè dicta nec fides sit, ex utraque tamen aliquid partipare; ex fide quidem certitudinem cum inevidentia; ex scientia verò tum certitudinem, tum discurrendi rationem: quatenus enim nititur principijs per diuinam reuelationem cognitis, ex fide habet, quod sit certissima, licet inevidens; quatenus verò conclusiones alias ex illis principijs per discursū elicit, ex scientia habet, quod sit discursiva seu argumentativa, simulque ex illa certitudinem illam accipit, quæ per ipsam discurrendi rationem haberi potest.

Dicendum 4. Theologiam, si alicuius intellectualis habitus nomine appellanda sit, dici posse sapientiam; proprietates siquidem omnes, quæ sapientia communiter tribuuntur, maximè illi conueniunt: sunt autem quatuor præcipua à Philosopho lib. 1. Metaph. cap. 2. enumeratae.

Prima est, sapientiam esse cognitionem vniuersalissimam: at nulla doctrina vniuersalior esse potest ipsa Theologia, quæ Deum ipsum, qui est prima & vniuersalissima causa, tanquam principale obiectum suum considerat; ynde etiam aliquo modo spectat ad illam agere de omnibus rebus, quatenus à Deo sunt tanquam à causa prima efficiente, vel ad ipsum tanquam ad ultimum finem preferuntur.

Secunda

*Quæst, proœmiales.*

Secunda sapientia proprietas est, quod sit circa ~~res~~ difficillimas & maximè à sensibus remotas; & hoc Theologiz conuenit, cùm versetur circa cognitionem rerum supernaturalem, quæ sunt non solum à sensibus, sed etiam ab ipsa ratione humana maximè remotæ, ac proinde difficillimæ; cùm ad illorum intelligentiam captiuandus sit intellectus in obsequium fidei.

Tertia sapientia proprietas est, quod sit certissima & procedat ex principijs certissimis: & hoc etiam Theologia competit, vt ex antè dictis patet.

Quarta denique sapientia proprietas est, vt ad nullam aliam cognitionem ordinetur, sed alijs omnibus præsit, easque dirigat: & hoc etiam habet Theologia; ad nullam enim aliam scientiam superiorem ordinatur, imò alijs Scientijs tanquam ancillis, vtitur iuxta illud Prou. 9. *Misit ancillas suas, ut vocarent ad arcem.* Hoc est, quod alias scientias ad altiorem finem dirigit & ordinat, verbi gratiæ moralis Philosophiz cognitionem ad affectionem virtutæ aeternæ. Sicque Theologia rectè dici potest vera & perfecta hominis sapientia.

Iam quod spectat ad ipsius Theologiae obiectum, breuiter dicimus 1. illius obiectum materiale, hoc est id, quod primò & per se ab ipsa Theologia consideratur, & in ordine ad illud cætera omnia, esse Deum: cætera enim omnia, de quibus præter ipsum Deum agit Theologia, referuntur & ordinem dicunt ad illum, vel vt est principium, vel vt est finis rerum omnipium creatarum.

Dicimus 2. obiectum formale ipsius Theologiae esse ipsummet Deum, quatenus de illo alijs nec rebus, quæ ad illum dicunt ordinem, aliquid demonstrari potest per discursum revelationi diuinæ innixum: hâc enim ratione Theologia distinguitur ab omnibus alijs Scientijs quæ circa Deum quoconque modo versari possunt: illum enim solummodo considerant quatenus ex principijs naturali lumine notis aliquid de ipso demonstrari potest.

QVÆ

*Quæst. proœm.*

QVÆSTIO II.

*Ex quibus locis argumenta Theologica  
educantur.*

Per locos Theologicos intelligintus sedes ac veluti  
promptuaria, ex quibus ipsi Theologi argumenta sibi  
propria desumunt.

Varij autem sunt illi loci, & varie à Doctoribus recen-  
sentur; alij siquidem plures, alij pauciores enumerant:  
probabilissimè loqui videntur ij, qui proprios locos  
Theologicos tres præsertim esse asserunt, ex quibus ar-  
gumenta Theologica certissima educantur.

Primus locus est ipsa sacra Scriptura in Bibliis conten-  
ta, quæque ab Ecclesia tanquam canonica proponitur;  
de cuius authoritate, interpretatione, alijsque ad eam  
spectantibus agetur infra, tract. 1. cap. 2.

Secundus locus est traditio diuina, quæ (vt loquitur  
Concilium Tridentinum sess. 4.) ipsius Christi ore ab Apo-  
stolis accepta, aut ab ipsis Apostolis, Spiritu Sancto dictante,  
quaæ per manus tradita, ad nos usque pervenit: & de hac et-  
iam agetur infra loco proximè citato.

Tertius denique locus est authoritas ipsius Ecclesiæ  
sive per Concilia generalia, sive per summos Pontifices  
loquatur: cum enim ipsa sit (vt dicit Apost. 1. Tim. 3.)  
*Columna & firmamentum veritatis*, eius proinde authoritas  
infallibilis est, & argumenta illi innixa non possunt non  
esse certissima.

Ad hos tres Theologicos locos proximè accedit autho-  
ritas sanctorum Patrum, quæ maximi semper ponderis  
fuit apud Catholicos, & ex qua proinde argumenta The-  
ologica rectè desumi possunt; vnde S. Augustinus passim  
in libris contra Julianum adhibet authoritates sancto-  
rum Irenæi, Athanasij, Basilij, Nazianzeni, Chrysostomi;  
& aliorum ad propugnandas veritates circa materiam  
gratiae, quas Pelagiani hæretici (quorum antesignanus  
erat ille Julianus) impugnabant.      ē      E

*Quæst. proœm.*

Est tamen obseruandum id, quod recte monet idem S. Augustinus lib. II. contra Faustum cap. 5. autoritatem SS. Patrum quamvis maximi faciendam, nullo modo tamen canonica sacrarum litterarum authoritati coequari; & quod, quamvis in illorum ibris inueniatur eadem veritas, longe tamen est impar authoritas; & epist. 19. ad S. Hieron. Alios, inquit, ita lego, ut quantumlibet sanctitate doctrinâque preponant, non ideo verum patem, quia ipsi ita senserunt; & epist. III. Neque enim quorumlibet disputationes velut scripturas canonicas habere debemus, ut nobis non liceat, saluâ honorificentia, qua illis debetur hominibus, aliquid in eorum scriptis improbare, aut resuere, &c. talis ego sum in scriptis aliorum, tales vota esse intellectores meorum.

Præter suprà dictos locos argumenta etiam deduci possunt ad confirmationem veritatum Theologicarum ex historia non solum Ecclesiastica, sed etiam prophana, præsertim aduersus ipsos Ethnicos, qui nec scripturas sacras nec traditiones aut Ecclesiæ authoritatem recipiunt. Idem etiam dicendum est de dogmatibus philosophicis & ipsa naturali ratione. Videmus siquidem multos antiquos Patres varijs argumentationibus & ratiocinijs ex Philosophia petitis ad elucidandas nostræ fidei veritates vsos fuisse, quoties aduersus Ethnicos agendum illic fuit, vt a S. Iustino martyre, Arnobio, Lactantio, Tertulliano & alijs factum esse, in eorum scriptis compemus.

**QVÆSTIO III.**

*Quænam sit conclusionum Theologica-  
rum certitudo.*

**N**omine conclusionis Theologicae intelligimus propositionem illam, cui assentitur intellectus ratione discursus Theologici, seu ex vi assensus, quem illius præmissis tanquam ex fide veris & certis præbuit. Hoc prænotato.

Dicen-

*Quæst. proœm.*

Dicendum 1. conclusionem Theologicam etiam ex duabus præmissis fide diuinâ cognit: s deductam, inferioris tamen esse certitudinis, quam sint ipsa veritates immediate à Deo reuelatæ, & per Ecclesiæ ad credendum propositæ. Hæc assertio constat non solum ex eo, quod (vt dicunt Philosophi) maior sit semper certitudo principiorum quam conclusionis, quæ ex illis deducitur, sed præsertim quia veritates fidei immediate diuinâ reuelatione innituntur, quæ est omnino infallibilis: at conclusiones Theologicæ non nisi mediante discursu, qui cum sit operatio intellectus creati, æqualem cum veritatibus fidei certitudinem habere non potest, cum omnis intellectus creatus in operationibus sibi proprijs falli & decipi possit.

Dicendum 2. conclusionem Theologicam, certiorem semper esse quāvis aliâ conclusione cuiuslibet scientiæ naturalis. id patet ex eo, quod motuum, quo Theologica conclusio innititur, semper est certius motu cuiuscumque conclusionis cuiuslibet scientiæ naturalis; cum hæc solo lumine & ratione naturali, illa vero lumine fidei & attestatione diuinâ innitatur.

**QVÆSTIO IV.**

*Quanam dispositiones requirantur in eo, qui investigandis veritatibus Theologicis incumbit.*

**P**rima dispositio ad Theologiæ notitiâ rectè capessendam est sana fides; cum enim (vt diximus) primarium & præcipuum Theologiæ fundamentum sit ipsa fides: nisi sana sit, & inconcussa teneatur, reliquum ipsius Theologiæ ædificium, quod superstructum fuerit, constitere non potest.

Secunda dispositio est cordis mundities; quod ipse Christus

Qu. proem.

Christus Dominus satis apertè innuit, cùm dixit Matt. 5.  
Beatis mundo corde: quoniam ipsi Deum videbunt; vnde S. Greg.  
Nazianz. orat. 33. aduersus Eunomianos recte monet,  
non omnium esse de Deo disputatione, sed eorum duntaxat, qui ex  
plorati sunt, ac contemplando longè processerunt, ac prius etiam  
tam corpus quam animum repurgarunt, aut saltē purgare iam  
instituerunt; impuro enim rem puram attingere fortasse ne tutum  
est quidem, quemadmodum nec agnō oculis solis radios intueri.

Tertia dispositio est ipsius intentionis rectitudo; cùm e  
nim (vt aequè sapienter ac verè dixit Christus Dōminus  
Matt. 6. ex oculi id est intentionis simplicitate ac rectitudine,  
totius corporis, id est, totius operis claritas ac perfe  
ctio pendeat, quisquis in huius cœlestis disciplina inue  
stigatione proficere desiderat, is oculum mentis simplicē  
ac rectum habere debet, qui neq; ad lucri emolumenta,  
neque ad honoris blandimenta reflectatur, sed recta in  
tentione in solum Deum feratur, illiusq; gloriam tan  
quam vitium ac unicum sibi finem propositum spectet.

His ad Theologiam capessendam præcipuis & maximè  
necessarijs dispositionibus breuiter explicatis, duo ad  
huc monita subiungenda sunt: primum est (quod recte  
docuit Theodoretus præfatione in Cantica) ad hoc, vt  
quis diuinās veritates peruidere, & in huius altissimæ  
scientiæ arcana penetrare possit, mentem agilem, ac vel  
uti pennis quibusdam instructam requiri, neque segni  
ter aut perfunctoriè, sed totis ingenij viribus maxima  
que sedulitate ac diligentia studijs Theologicis esse in  
cumbendum, alias nullus profectus, imò nō leue pericu  
lum, ne in illa cœlesti disciplina vel insci; vel semidocti  
(quod nō raro evenit) falsum pro vero, dubium pro certo  
accipiant, ac postea non sine fidei catholica detimento  
alijs venditent.

Secundum est, in disquisitionibus veritatum Theologi  
carum modum quedam esse seruandum, illudque hu  
militer tenendum, quod præmonuit Apostolus Rom. 12.  
*Non plus sapere, quam aperies sapere, sed sapere ad sobrietatem:*  
C. unicus-

Qu. proœm.

Et unicuique sicut Deus diuinit mensuram fidei. Ut igitur (sicut loquitur S. Hilarius lib. 10. de Trinit.) Sol ita videndus est, ut posit videri, tantusque excipiendus lumine est, quantus admittitur; ne, si plus velimur expetere, minus quoque, quam possumus, consequamur. Ita ex ratio cœlestis in tantum intelligenda est, in quantum se permittit intelligere, in tantum expetenda est, in quantum apprehendendam se dedit; ne, si contents indulgentia moderatione non simus, amittamus indulta.



63

APPRO-